

*D

799 Parzival zuo sînem œheim sprach:
"ich wil si sehen, die ich nie gesach
inre vünf jâren.
dô wir bî ein ander wâren,
5 si was mir liep, **als** ist si **ouch** noch.
dînen rât wil ich haben doch,
die wîle uns scheidet niht der tôt.
dû riete mir ê in grôzer nôt.
Ich wil gein mîme wîbe kommen,
10 der kunft ich gein mir hân vernomen
bî dem Plimizole an einer stat."
urloup er im geben bat.
dô bevalch in gote der guote man.
Parzival die naht streich dan.
15 **sînen** gesellen was der walt **wol** kunt.
dô ez tagete, dô vant er lieben vunt,
manec gezelt ûf geslagen.
ûzem lande ze Brobarz, hört ich sagen,
was vil baniere **dâ** gestecket,
20 manec schilt dâr **nâch getrecket**.
Sînes landes vürsten lâgen dâ.
Parzival, **der** vrâgete, wâ
diu küneginne selbe læge,
unt ob si **sunderringes** pflæge
25 - - -
- - -
mit **zelten** umbevangen.
Nû was von Katalangen
der herzoge Kyot des morgens vruo
30 ûf gestanden. dise riten zuo.

D

1 Initiale D 9 Majuskel D 21 Majuskel D 28 Majuskel D

1 Parzival] Parcifal D 11 Plimizole] Primizole D 14 Parzival]
Parcifal D 22 Parzival] Parcifal D 25 Die Verse 799.25-26 fehlen
D 28 was] vas D

*m

Parcifal zuo sînem œheim sprach:
"ich wil si sehen, die ich nie gesach
in den vünf jâren.
dô wir bî ein ander wâren,
5 si was mir liep, **als** ist si noch.
dînen rât wil ich haben doch,
die wîle uns scheidet niht der tôt.
dû riet mir ê in grôzer nôt.
ich wil gegen mînem wîbe kommen,
10 der kunft ich gegen mir hân vernomen
bî dem Plimizol an einer stat."
urloup er im **dô** geben bat.
dô bevalch in got der guote man.
Parcifal die naht streich dan.
15 **sînem** gesellen was der walt kunt.
des tages dô vant er lieben vunt,
manic gezelt ûf geslagen.
ûz dem lande zuo Brobarz, hört ich sagen,
was vil banier **dâ** gestecket,
20 manic schilt dâr **nâch gestrecket**.
sînes landes vürsten lâgen dâ.
Parcifal, **der** vrâgte, wâ
diu künigin **dâ** selbe læge,
ob si **sunders ringes** pflæge.
25 man zougte im, aldâ si lac
und wol gehêrtes ringes pflac
mit **gezelten** umbevangen.
nû was von Kathelangen
der herzoge Kyot des morgens vruo
30 ûf gestanden. dise riten zuo.

m n o V V' W

1 Initiale m V W · Capitulumzeichen n

1 Parcifal] Parzefal V Parzifal V' (W) · œheim] om. m oheim do
V' 2 nie] [nu]: ny V' 3 in den] Jnre V Zware wol in V' 5 als] vnd
V' · si noch] sú ouch noch n (V) mir nach V' sy mir noch W 6
dînen rât] Dines rates V' · wil ich] ich wil V 7 scheidet] scheide
n scheident o · niht] om. V' 8 dû] Die V' Das W · ê] ie V' 9
Verse 799.9-10 kontrahiert zu: Jch wil gegen mir hant vernonen
o 10 kunft] kunst m · gegen mir] om. V' 11 Plimizol] plûmzol
n plimczol o plimtzol V' plymizol W · an einer] ein ander o auff
einer W 12 geben] gegeben m 13 bevalch] befalsch o 14 Parcifal]
Parzefal V Parzifal V' Herr partzifal W · die naht streich] zv
hant reit V' · dan] von dan V (V') 15 Sinem] Sinen V V' (W)
· kunt] wol kvnt V (V') 16 des tages] Do ez tagete V Do ez
taget V' · dô] om. W · lieben] liebes o 18 úz] Vf V' · Brobarz]
brobartz m n brobarcz o prabartz V' brebars W 19 dâ] do m n
V V' W · gestecket] gerecket W 20 nâchl] om. V' W · gestrecket]
angestecket W 21 dâ] do n V V' W 22 Parcifal] Parzifal V
Pfarzifal V' Herr partzifal W · der] om. V' W · vrâgtele] fraget V'
23 künigin] konige o · dâ] do m om. n o V V' W · selbel] selbes
W · læge] lige V' 24 si] om. n · sunders] svnder V (V') · pflæge]
pflige V' 25 zougte] zeigete n V (W) zeiget V' · aldâ] da o 26
gehêrtes] geheretez V herliges V' 28 nû] Mun W · was] waz ouch
V' · Kathelangen] cathelangen n kathelangenn o cachelangen V
kattelangen V' 29 der] Dez V' · Kyot] kyot m n o · des] om. n
30 ûf gestanden] Was aufgestanden W

*G

Parzival ze sînem öeheim sprach:
 "ich wil si sehen, die ich nie gesach
inner vünf jâren.
 dô wir bî ein ander wâren,
 5 si was mir lieb, **als** ist si **ouch** noch.
 dînen rât wil ich haben doch,
 die wîle uns scheidet niht der tôt.
 dû riete mir *in* grôzer nôt.
ich wil gein mînem wîbe kommen,
 10 der kunft ich gein mir hân vernomen
 bî dem Blimzol an einer stat."
 urloup er im **dô** geben bat.
 dô bevalch in got der guote man.
 Parzival die naht streich dan.
 15 **sînen** gesellen was der walt **wol** kunt.
dô ez tagte, dô vant er lieben vunt,
 manec gezelt ûf geslagen.
 ûz dem lande ze Briubarz, hört ich sagen,
 was vil banier gestecket,
 20 manic schilt dâ **bî getrecket**.
 sînes landes vürsten lâgen dâ.
 Parzival, **der** vrâgte, wâ
 diu künigin selbe lâge,
 op si **sunderringes** pflæge.
 25 man zeigte im, al dâ si lac
 unde wol gehêrtes ringes pflac
 mit **gezelten** umbevangen.
 nû was Katalangen
 der herzoge Kiot des morgens vruo
 30 ûf gestanden. dise riten zuo.

G I L M Z Fr48

1 Initiale G I L Z Fr48 17 Initiale I

1 Parzival] Parcival G Parzifal I L M Parcifal Z (Fr48) **2** die ich] die L **3** inner] Bynnen M Jn Fr48 **4** dô] da I (M) (Z) · bî ein ander] en sament L **5** lieb] lie L · als ist si ouch] daz ist si I sý ist och L so ist sie M (Z) **7** uns scheidet niht] niht vns shaidet I vnz niht scheidet L **8** riete mir] riete mir ie in G reiten wir M **9** ich wil] nu wil ich I **11** Blimzol] blimizol I plimizol L M Z · einer] eine L (M) Z **12** dô] da M Z · bat] gap M **13** dô] Da M Z **14** Parzival] parcival G [parzifal]: Parzifal I Parzifal L M Parcifal Z **15** sînen] sim I Sinê M **16** dô ez] Da esz M (Z) · dô vant] da vant M (Z) **18** ûz] vf I (M) · Briubarz] brubraz I Brvbarz L (M) Z **19** was] Waren M **20** bi] om. L M · getrecket] Gerechet I gestrechet L [gisteckit]: gistreckit M **21** sînes] Sinen M **22** Parzival] Parcival G Parzifal I L M Parcifal Z · der] om. L **23** selbe] selben M **24** sunderringes] svnders ringes L **25** zeigte] zaigt I (L) · al] om. L **28** was] waz von L (M) (Z) · Katalangen] katlangen L **29** Kiot] kytot L kytot Z

*T

Parcifal zuo sîme öeheim sprach:
 "ich wil si sehen, die ich nie gesach
in vünf jâren.
 dô wir bî ein ander wâren,
 5 si was mir liep, **daz** ist si noch.
 dînen rât wil ich haben doch,
 die wile uns scheidet niht der tôt.
 dû riete mir ê *in* grôzer nôt.
nû wil ich gein mîme wîbe kommen,
 10 der kunft ich gein mir hân vernomen
 bî dem Plymizol an einer stat."
 urloup er im **dô** geben bat.
 Dô bevalch in got der guote man.
 Parcifal die naht streich dan.
 15 **sînen** gesellen was der walt **wol** kunt.
dô ez tagete, dô vant er lieben vunt,
 manec gezelt ûf geslagen.
 ûz dem lande zuo Brebarz, hört ich sagen,
 was vil baniere **dâ** gestecket,
 20 manec schilt dâr **an getrecket**.
 sînes landes vürsten lâgen dâ.
 Parcifal **dâ** vrâget, wâ
 diu künegin selber lâge,
 ob si **sunderringes** pflæge.
 25 man zeiget im, aldâ si lac
 und wol gehêrtes ringes pflac
 mit **gezelten** umbevangen.
 nû was von Katalangen
 der herzoge Kyot des morgens vruo
 30 ûf gestanden. dise riten zuo.

U Q R

1 Initiale Q R 13 Initiale U

1 Parcifal] Parcifal U Partzifal Q Parczifal R **3** Versfolge 799.4-3 U · in] Jnner Q (R) **4** ander] andren R **5** daz ist si] si ist si auch Q so ist sy och R **7** scheidet niht] nit scheidet R **9** nû wil ich] Jch wil Q R **10** ich gein mir hân] gen mir han ich R **11** Plymizol] plimizol Q plimicfol R **14** Parcifal] Parzifal U Partzifal Q Parczifal R **15** wol kunt] do gar vnkunt R **18** ûz dem] Vsserm R · Brebarz] brubraz U burbasz Q Burbarcz R · ich] er do R **19** dâ] do Q · gestecket] gestreket R **20** an] nacht Q (R) **21** dâ] do Q **22** Parcifal] Parzifal U Partzifal Q Parczifal R · dâ vrâget wâ] da vraget [da]: wa U der fragte wa Q R **23** künegin selber] konige selbe Q **25** zeiget] zeigte Q (R) **27** gezelte] gezelte R **28** Katalangen] kachelangen Q kattelangen R **29** Kyot] koyt Q · des morgens] enmorgen R **30** dise] disen R